

المكان الأولاني هو متحف الفن الحديث في الأوبرا في الزمالك:

المتحف فضل مقبول لسنتين، بعد اعتراضات كثيرة وصل القرار أن المتحف هيتفتح للجمهور وسط ما التوضييات والصيانة للمتحف تكون شغالة.

إيه اللي ممكن يتعمل هنا ودلوقتي؟ إيه العمل؟

بفكر في ده وسط إجهاد كبير وإحباط من الوضع الحالي، بيتكون عندي فانتازيا للحظة ما مجموعة من الفنانين يقرروا أنهم يتجمعوا ويمعملوش حاجة... يناموا... النوم، نوم جماعي، دي الحاجة الوحيدة اللي راضية تيجي على بالي.

بمشي في المتحف بدور على النوم في اللوح.

دلوقتي هكتب الدعوة، بتوقفي اللغة.

مجرد تسمية الحاجة باسمها في حد ذاته هو فعل صدامي،

بكتب الدعوة بلغة تخليها موجودة، متلفتش النظر.

إيه جدوى فعل اعتراضى شرط وجوده إنه ميلفتش النظر؟

جايز عديت بده وجايز اتحكالي وجسمي اعتبرها تجربة عدى بيها،

بس فيا حاجة عارفة إن هم ١٠ دقائق أو أقل اللي هيقروا انهي جهاز اللي هيتعامل مع الموضوع.

كتبت ١٤ مسار عن كل جهاز هياخد الموضوع لفين.

بناقش مع كذا حد آلية الدعوة للحظة جماعية للاعتراض، سهل علينا نوصل لتخمينات عن رد الفعل بس كأن

وعينا مفيهوش آليات لسة متبقية نقدر نستخدمها ونلجأ ليها.

إيه اللي ممكن يتعمل هنا ودلوقتي؟ إيه العمل؟

ببشجني فكرة انها فرصة نختبر قدرتنا على تنظيم نفسنا، سلمى بتقترح اننا نستخدم مخدات بتتنفخ هوا وندخل بيها فاضية ومطبعة ونفخها جوا كطريقة نعدي المخدات من التفتيش على باب المتحف.

لو عرفنا ننام في متحف الفن الحديث، هنحلم بايه؟

بقى في أكونت على انستجرام مليون صور مبعوتة من كذا حد، بتبسبب كل لما حد بيعتلي أثار نومهم اللي

جسمهم سايبها على التراب اللي في المتحف.

بمشي في المتحف أدور على أثار أماكن النوم،

مش ببقى عارف دي أثار لحد لبي دعوتي ولا أثار لواحد من العمال قدر يسرق دقيقتين يقيل فيهم.

بصادف أثار جسمين نايمين جنب بعض، بجسمي بنام جانبهم، بقينا تجمع من ثلاث اشخاص.

متحف الفن الحديث مساحة معني بيها الممارسين الثقافيين والفنانين، لو حاجة حصلت جواه فهي قادرة تلف في دردشة المهتمين.

حاسس بانها حاجة عبثية قد ايه متعب تنظيم مساحة هدفها الراحة.

الدعوة في الأساس هدفها خلق لحظة من التجمع لمشاركة نفس الفعل، بس هل محتاجين نخلق دعوة بهدف الاجتماع داخل مساحة حيز مقبول وبرة حدود أفعال ولحظات الحياة اليومية؟ وخصوصا لو فرد واحد اللي قايم بالدعوة؟

المكان الثاني هو مكتبة مصر الجديدة:

بجانب غرفة القراءة المكتبة بتقديم نشاطات مختلفة زي كورسات وورش تعليمية وندوات ثقافية. على مدار أيام تواجدنا في المكتبة العدد الأكبر من اللي بيحضروا الورش دي كان من الأطفال.

بس أنا كان عندي فضول بشكل ثاني من المعرفة جوه المكتبة غير المعرفة المسوكة المفيدة اللي بتأهل لسوق العمل، كنت عمال أفكر في معرفة العمال والموظفين بالمكان.

بفكر في شكل المعرفة اللي مكان زي مكتبة مصر الجديدة يودينا ليها لو سمعنا للمكان، بفكر في الاحتمالات الممكنة لو تم مشاركة الدعوة لممارسة فعل الاستماع مع الأطفال اللي بتحضر الورش هناك والموظفين والعمال.

بتحمس لفكرة لعبة ميكونش هدفها تعلم حاجة ولا بتوعد انها مفيدة اصلا، هي فعلا "لعبة" مفهياش ولا صح ولا غلط ولا مكسب ولا خسارة: مجموعة من الكروت **card swiping game**. بيتدي أشتغل على لعبة عبارة عن كروت يوجي يوه اللي هي بتقعد نبدلها مع بعض ونحكي ونرددش.

بضحك وانا بتخيل مديرة المكتبة بتبدل كارت مع سيف اللي بيحضر درس الماس. بفكر في الكلام والرغي اللي ممكن يحصل بسبب اللعبة بين الأطفال وبعضهم أو بين الأطفال والموظفين والعمال.

باخد بريك وبروح قاعة القراءة في المكتبة، بفتح كتاب عمال أقرأ في الكتاب اللي خطوة بخطوة عن طريقة التعامل مع برنامج الورد، المعلومة بتدخل عقلي مش عارف اودياها فين.

لكل كارت شخصية، عمال أفكر في الشخصيات اللي على كل كارت. طول ما أنا في المكان عمال أحس بسوزان مبارك وفاروق حسني كأشباح عمالين يطوفوا في المكان، بيتدي برسم الأشباح اللي لابسة المكان.

إزاي اللعبة تشد الناس تلعب بيها؟ هل يكون في جايزة اللي يعمل حاجة معينة يكسبها... بوقف نفسي! راحت فين اللعبة اللي من غير مكسب وخسارة؟ ليه مش عارف أفكر في لعبة حد ممكن يلعبها من غير مكسب وخسارة؟

في يوم ثاني كان عندنا ميعاد في بيت السناري، قعدت شوية في ساحة البيت أتابع مجموعة بتحضر لمسرحية، كانت المسرحية مكونة من مجموعة من أعمار مختلفة، أصغرهم كانت أربع سنين تقريبا وأكبرهم ست في ثلاثيناتها. المفروض انهم بيتحركوا على بلاي باك الليلة الكبيرة والمخرجة كانت في مهمة شبيهة مستحيلة إنها تخلي المجموعة اللي من أعمار وقدرات مختلفة يتحركوا في حركة منظمة متجانسة موحدة على كلمات الأوبريت.

فضلوا واقفين في حركة الإيد من اليمين للشمال أكثر من ساعة ونص، زعيق المخرجة بيقطعهم كل ثانية. هي فضلت تزعق فيهم اليوم بطولة، احتجنا ساعتين عشان الست اللي عندها حاجة وتلاتين سنة ترد عليها وتقولها: "انتي عمالة تشخطي فينا بأمانة ايه؟" المخرجة اتعصبت وسابت البروقا.

هم كملوا مع نفسهم منهم فيهم، ثلاثة من المؤديين اتطوعوا انهم يكملوا تنظيم في نفس الوقت وهم بيكملوا أداء الحركات معاهم. كل واحد كان مركز في حركاته على كلمات الاوبريت، وبيضحكوا مع كل حد يخرج عن الحركة المتفقين عليها بيفضلوا مكملين.

محمود بيجي على ميعاد الورشة ويقف شوية يتفرج على البروقا ويقول إن دمهم خفيف اوى.

بصعوبة قدرت أفنح إدارة المكتبة بتقديم اللعبة. اللعبة فشلت، محدش اهتم يلعب بيها.

المكان الثالث هو بيت السناري في السيدة زينب:

أول لما بندخل من البيت على يميننا ترابيزة خشب مقاساتها ٢٠٠ في ٨٠.

مجموعة بيتطلب منهم يشيلوا الترابيزة دي ويتحركوا جوا البيت، خلال التسجيل هطلب منك نكون بنتحرك معاهم.

في الأول حابب أرحب بيكم، وأشكركم انكم وصلتو لحد هنا وانكوا هتكونوا جزء من الجولة وتحركنا في بيت السناري.

هنكون بنتحرك سوا مع مجموعة اتطلب منها تتحرك في البيت وهي شايلة الترابيزة الخشب اللي على يميننا أول لما بندخل من البيت، جايز اخدتوا بالكم منها.

بفكركم إن خلال التسجيل تقدروا تاخدوا بريك في أي وقت وطبعاً تقدروا توقفوا تكونوا جزء منه في أي وقت. دلوقتي بدعوكم انكم تقررنا هل تحبوا تكونوا ماشيين وشايلين الترابيزة معاهم ولا بس ماشين جانبهم.

مجموعة بتاخذ بالها إن الممر اللي بيؤدي لدخول البيت الصوت فيه بيتضخم وبيتبالغ.

المشاهرة هو نوع من أنواع الحسد، حسد خاص بلبين الرضاعة، الست لما تولد مفروض لمدة أسبوع ميدخلش عليها راجل حالق دقنه ومنتشوفش لحمه نية ولا بتتجان اسود. في مقالة: المشاهرة، العدل والظلم في العقم، بتقدم هانيا شولكامي إعادة مراجعة للطقس الموسوم، وبتبنددي تشوفه تقويم خاص بالستات بيعترف برهف وبرزخية المرحلة الجديدة اللي هم فيها.

على اعتبار إنك مش already شايلة الترابيزة، بطلب منك دلوقتي تشيلها، الترابيزة طولها ٢٠٠ وعمقها ٨٠ ومن خشب الموسكي، ثقيلة! حاسة بتقلها؟ بس انتي مش شايها لوحدهك معاكي مجموعة تاتية بتخفف عليكي، عشان كدة ممكن ازود الطلب واقولك شيلي بايد واحدة، ونكمل إننا نتحرك في البيت.

المعددة هي ست بيتدفعها أجره مقابل انها تصوت وتنحب وتعدد في عزا الميت، على اعتبار أنه خرجته متكونش سوكتي. غالباً بيتم تناول مشاعر العديد على إنها مشاعر أدائية مش صادقة هدفها الفلوس. في كتاب (من أجل الحي والمتوفي) بتجادل اليزابيث ويكت إنه من الرغم كونه فعل أدائي ده ميينفيس صدق مشاعره، وبتطرحة كمساحة من المساحات القليلة جدا اللي الستات عندها الفرصة تعبر عن مشاعرها في حيز علني. المعددة مش بالضرورة تكون بتعدد على المتوفي نفسه ولكنها جايز بتستحضر مشاعر قاسية هي نفسها عاشتها، ومن خلال العديد بتساعد أهل الميت انهن يستحضرنا حزنهم ويتهينوا لدورهم الاجتماعي الجديد.

إننا اللي بنترجم الأفعال لوزن وقيمة

حنينة

رقيقة

بتخض

ملتوية

دوشة

مقرفة

طيش

مجموعة بتدخل أوضة بتدخلهم لأوضة تانية بتوديههم لأوضة تالته، حجم الأوضة بيصغر كل مرة، وبيلاحظوا إن دخول ضوء الشمس بيعددي على فتحات إزاز في السقف لونها بيدفي ومعاهما بتدفي درجة حرارة المكان. الدفا وتقل الترابيزة بيخليهم يعرقوا ويحسوا بالرطوبة في المكان. بيقتروا أنهم يقسموا أدوار شيل الترابيزة ما بينهم.

بايدك اللي مش شايلة الترابيزة ترجمي كل جملة لحركة، جايز تحركي إيدك بشكل انسيابي، جايز تسببها متعلقة في الهواء،

المهم تحركها حسب ما الجملة بتحسبها.

هحكيكم قصة صعود السناري للحكم من تاني.

دلوقتي بدعوكم إنكم تناموا على الأرض، لو مش مستريحين تعملوا ده ممكن تلاقوا مكان مريح تقعدوا فيه بالشكل المريح بالنسبالكم، لو برضوا مش حاسين انكو حابين تعملوا كده ممكن تسندوا على الحيطه أو حتى تفضلوا واقفين في مكانكم. الهدف انكو تبقوا في وضع مستريحين فيه.

ودلوقتي لو حاسين إنكو مستريحين بدعوكم تغمضوا عينكم
خدوا وقتكم لو حابين
واسمعوا للخطوات...

صوت الخطوات
جايز صوت خطوات لناس بتسمع جانبيكم
جايز صوت خطوات لناس كانت بتسمع هنا ومشيت
ممكن وانتم بتسمعوا تهمهموا همم مع كل خطوة

جايز ده صوت خطوات لناس لسه جايه في الطريق أو ناس رايحة تجمع تاني
جايز ده صوت خطوات مجموعة شايلة الترابيزة وبتتحرك في البيت حواليكم
هسيبيكم تسمعوا وتهمهموا مع الخطوات

دلوقتي ممكن بالراحة تبتدي تحس بجسمك من تاتي، ممكن تحس بجزء جزء، حس بدماغك لو مسنوده على حاجة، أو ممكن تحرك صوابك، خد نفس، ولما تحس إنك جاهز افتح عينك، بالراحة، دلوقتي أنت هنا.

مجموعة بيطلب منها تشيل الترابيزة الخشب اللي على يميننا أول لما بندخل، بس بتقرر متشيلش الترابيزة.

في النهاية عايز أشكرك على انك كنت جزء من الجولة.

إحكو إنكو شيلتوا الترابيزة
لتلاتة أو سبعة أو تسعة
من صحابكم، شوفوا الكلام هياخذكو لفين...